



Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

Linee guide per l'utilizzo

Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.

Informazioni su Google Ricerca Libri

La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>

(8)



ILLUSTRISS., ET REVERENDISS.

D. D.

HIERONYMI HENRICI
COMITIS
BELTRAMINI MIAZZI

E L O G I U M.



HIERONYMUS HENRICUS COMES BELTRAMINI MIAZZI natus Bassani ex Illustri Familia de Asylo, Bassanensi etiam Collegio adscripta, quæ simul cum Riccatianæ inter Patritias Tarvisinæ Urbis magno totius Ordinis consensu adnumerata est, dum adhuc noster impubis esset, ingenio fuit experrecto, & ad disciplinas addiscendas magnopere accomodato, sed morum suavitate vel in primis prædito sic, ut facile auspiciam a prima ætate capi posset, eundem inter Nobiles Adolescentes, qui gratia, & favore apud omnes maxime pollent, nulli fore secundum.

Rem probavit eventus. Nam humanioribus primum Litteris in Seminario Tarvisino optimis Præceptoribus florente, inter quos celebris Ubalduſ Bregolini J. U. D., degustatis, Moniam statim concessit, in qua Urbe poltioribus Philologiæ studiis magis magisque excultus in Schola celeberrimæ Avunculi P. Roberti S. J. ad Mathematicas deinceps Disciplinas, & physicas

A *

Scienc

Scientias animum appulit, duce, ac Præceptore summo clarissimo illo Italiae lumine Vincentio Riccato ejusdem Societatis, quem Tarvisina Civitas tamquam e naufragio emersum, sicuti summo sibi honori duxerat in sinum suum ac veluti portum recepisse, ita paucos post annos extinctum vidisse veris lacrymis prosequuta est.

Hicce egregiis ornamentis instructus HIERONYMUS, cum esset annorum ferme viginti ad Patriam regreditur, statimque factum ut omnes patricii generis Viri eundem sibi adjungere, cum eo familiaritatem inire, ad convivia, ad spectacula socium adhibere certatim cuperent; nonnulli eorum, & ex his præstantiores, nec vitam ducere posse sine eo dictarent, earumque rerum, quæ vel Ordinis decosi, vel Urbis aliquo modo congruere videbantur, HIERONYMO procurationem plerumque deferrent, reliquis cæteroque Ordinibus acceptissimo, & ab exteris maxime Tarvisum adventantibus admirationi habito, tamquam absolutissimus esset in colenda, atque ornanda societate Adolescens.

Patriæ honores, & gradus sustinuit ea dignitate, quæ Familiam, & Urbem decebat; pecuniæ minime tenax, quin potius animo ad liberalitatem, & munificentiam composito.

Neque ob ea, quæ retulimus, quispiam in animum inducat suum Christiani hominis officia ab eo fuisse prætermissa, qui & communes urbanitatis, & privatas amicitia Leges tam sancte servaret, quin potius illud sine ulla dubitatione affirmare possumus, Religionem alte animo infixam perpetuo retinuisse, ejusque Ministros magni semper fecisse; qui & ipsi vicissim non eundem aliquando studiose colere, neque prosequi benevolentia supra multos non poterant, cum esset etiam in ipso juventutis fervore, atque in ipsis (ut ita dicam) aberrationibus, ita factus, comparatusque, ut aliquem vel verbo lædere nesciret, omnium autem animos indita quadam sibi peculiari humanitate devincire optime sciret.

Has autem egregias Naturæ dotes sublimioribus cumulare decreverat Deus Optimus Maximus, & thesauros hujusmodi in Ecclesiæ utilitatem convertere, cum eidem animo indidit, ut sæcularem statum deponeret, nomenque suum inter Clericos daret, quod non nisi summa maturitate, & consultissimis Viris auctoribus executus est ineunte anno 1772. ætatis suæ 32. Matre, quæ spem omnem conservandæ Familiæ, carisque Nepotibus solandæ senectæ cum eo amittebat, obsequiis aliisque plurimis filialis observantiæ significationibus prius delinita.

Quemadmodum vero Clericis, pompæ sæculi, ac voluptatum contemptu, eximia in Deum religione, & morum castimonia plane singulari antea
omni-

omnibus statim visus est; ita ad Sacerdotium promotus perfecti in eo gradu Sacrorum Ministri exemplar attigisse ii omnes existimarunt, qui eo familiariter utebantur, vel penitus explorabant.

Etenim SS. Canonum, & Theologiæ studia percurrens, Antecessore Sebastiano Marcuzzi S. Th. D. & in Seminario Tarvisino haud ita pridem Jurisprudentiæ Professore (qui hoc uno Discipulo multorum jacturam compensari posse, non fallaciter a limine ipso præsensit, & multos denunciavit, quique hoc Elogium impetu quodam doloris veluti effudit) nihil inausum, intentatumque reliquit (cum præsertim maxime facili esset ingenio) ut ad ea, quæ celerrime, ac probe didicerat, mores suos, totamque vitæ consuetudinem attemperaret sic, ut antiquam Presbyterii formam in se uno veluti exprimeret, provec̄t oribus quasi stimulos adderet.

Sed ad Animarum curam, veræque pietatis propagationem eundem vocabat divina Providentia, quæ non incassam tot egregias dotes, atque ad omnes sibi conciliandos animos mirifice accomodatas eidem contulerat, inter quas non infimum locum obtinebat effusa in pauperes munificentia, & in miseros intima quædam, ac peculiaris animi affectio. Incredibile dictu, quam nulla ferme interjecta mora, inter eximios Sacramenti Pœnitentiæ Ministros sit habitus, ad eumque innumeri pene concurrerent ex tota Urbe non modo, sed ex ipso etiam Tarvisino agro; quomodo ejus monita, atque sententiæ ex intimo animi sensu veluti expressæ hominis a cupiditate qualibet, seu quæstus, seu gloriæ alienissimi in animos auditorum influerent; quam multos a vitiis ad virtutem, a vivendi licentia ad severiorem Evangelii trutinam divino quodam sermonis lepore brevi traduxerit; & quo pacto ad omnia, quæ aut pietatem, aut proximi utilitatem attingerent, HIERONYMI studium se extenderet; nihil ferme per ea tempora sine hoc, vel Auctore, vel Auspice promoveretur, cum tamen ipse ab hominum conspectu se se subtrahere & (ut omnem sibi ad Ecclesiasticos gradus, & dignitates aditum intercluderet) in Parochiali Domo S. Mariæ Majoris, ut ajunt, in extrema Urbis parte sita se abdere nervis omnibus contendisset. nec inde extrahi se pateretur, nisi cum decumbentibus, aut etiam animam agentibus (quicumque tandem ii essent, vel quocumque ipse accersitus) opem ferre opus esset; quo in munere sane gravissimo, nec periculis vacuo, atque unico ex charitate suscepto vitam prodegisse suam, & phthisis semina, quæ postea erupit, ebibisse, qui totam rem probe norunt, non levi judicio pronunciarunt.

Tot, tantarumque virtutum fama, quæ omnem Civitatem commovit, mirandum non est ad alias quoque Urbes permeasse, & acris judicii virum
Fel-

Feltrensem Episcopum Minuccium, qui præclari Neomystræ consuetudine aliquantisper etiam frui potuit, ad sui amorem excitasse, eoque demum adduxisse, ut cum ab Episcopali illa Sede avulsum, & ad Ariminensem translatum se esse intelligeret a Sapientissimo, atque Optimo Pio VI, non alium quam HIERONYMUM (posthabito sibi carissimo ex Sorore Nepote peregrinationis suæ comite) in suum locum, ac Sedem substituendum, pro summa animi sui magnitudine, & singulari in Feltrensem viduatam Ecclesiam benevolentia, interroganti Pontifici Maximo fidenter responderit.

Renunciatur igitur Feltrensem Episcopus HIERONYMUS plaudentibus omnibus, se uno nihil sibi plaudente, quin potius communem lætitiâ suo quasi luctu cohibente, atque animum tum maxime despondente, cum omnes in spem magnam erigebantur, fore illum inter Episcopos clarissimum lumen, sicuti inter minores fuerat Sacerdotes: quod iudicium in summa ejus animi moderatione, & æquitate, nec non in expediendis negotiis dexteritate, ac prudentiâ fundatum, & Romani Præsules perspicacissimi, qui eundem postea agnoverunt, atque humanissime exceptum Roma dimiserunt, & gravissimi Venetorum Patres Conscripti, quibus jamdiu innotuerat, magno consensu approbarunt.

Et sane ad nos redeunte HIERONYMO, insperato Episcopatus honore, quasi radiis præfulgente, nihil de ingenuo animi candore, nihil de consuetâ humanitate detractum in eo vidimus, quin potius virtutes ejusdem omnes, tamquam in vertice aliquo positræ adeo omnium oculos perstrinxerunt, tum Civium, tum exterorum, ut nihil unquam tam avide optarit Feltrensis Ecclesia, quam ut ad se convolaret, pro certo habens, Angelum pacis sibi adfuturum; fausta & felicia omnia in antecessum mente percurrens; quodque beata, Duce hoc & Antistite, predicari ubique debuerit, exultans, atque adeo secum ipsa quodammodo triumphum agens; cum reapse nunquam tam vera, aut vero similia cecinisse illius temporis Vates communi opinione iudicarentur.

Sed heu cæcas hominum mentes! VISUM ALITER SUPERIS: arcano prorsus, nec mortalibus indagando consilio.

Jam omnia ad Episcopatum necessaria paraverat; jam optimorum, sibi-que similium Ministrorum delectum habuerat; jam amantissimas Pastorales Litteras, tamquam referati animi sensa, ad Ecclesiam Sponsam transmiserat, in quibus plane optimi, ac perfecti Regiminis regulas summatim complectebatur; quasque ad adamussim servandas se, suoque sacramento veluti obstrinxerat. Quid plura? Jam Sponsam ipsam inviserat, Sponsique ac Patris affectu verius, quam verbis allocutus, mira prorsus, atque iaudita

amo-

X VII. X

amoris, & fidei argumenta ab ea acceperat, cum statim ob ægritudinem ab ejus sinu, & complexu secedere cogitur, & Patavium migrare; exinde iterum Tarvisium petere; tandem post varios casus, & rerum discrimina, quæ nos diu anxios, metumque inter ac spem fluctuantes detinere, ad eam domum redire, quam ad perpetuam veluti requiem ante Episcopatum sibi delegerat, inscripta epigraphe ex Psalmo: *hæc requies mea in sæculum sæculi, hic habitabo quoniam elegi eam*, in qua Domo, sicuti & in Ecclesia eidem adnexa B. V., cui erat addictissimus, & in qua ejus præcordia quiescunt, munificentiæ ipsius, ac pietatis perennia monumenta supersunt.

Postremus vitæ Actus ejusdem non solum reliquis perfecte respondit, sed & omnes multarum, magnarumque, præsertim obfirmatæ in Deum fidei, atque invictæ patientiæ superavit accessione virtutum. Mortem subiturus in arenam Christianæ pœnitentiæ, quasi Athleta, descendit, sola sua (ut ita dixerim) virtute præcinctus; cum per inopinatos eventus non steterit, quominus intestatus obiret, nec haberet ex pinguiori existente facultate (quod supra fidem videtur) Vir suapte natura pronus ad dandum, ad accipiendum non item) quod Amicis legaret, nisi pio, & simul æquo consilio Consanguinei Familiæ hæredes intercessissent, seque vades constituissent: quæ omnia infausa & adversa, quasi Fatorum conspiratione, in unum conflata, sicuti ad majus Episcopalis virtutis robur ejusdem ostendendum miro quodam modo Providentia contexit, ita ad sui, suorumque illustriorem commendationem & Posterorum exemplum, ab ingenuo Scriptore prætereunda non erant.

Ecclesiæ vero Sponsæ, & Filiis Felcensibus satis amplum Patrimonium paterni nominis & gloriæ, imo & charitatis vere pastoralis reliquit; cum ejus curam, ne infirmus quidem, dimisit, imo, & absens, atque adeo decumbens eisdem aliquando plus profuit, quam quivis alius, & præsens, & optima valetudine, & gubernaculo ipsemet insidens vix profuisset.

Elatum est VI. Kal. Aprilis, comitante universo Populo, præeunte Cathedralis Ecclesiæ insigni Capitulo, Urbe suis pene sedibus convulsa ad ejus funus ornandum; ab omnibus, ne invidis quidem exceptis, aut adversariis (si quos habuit aliquando, ut fere semper alicujus nominis, & celebritatis Viri consueverunt) laudatus, (& quod gloriæ cumulum adjicit) a nonnullis etiam divini Verbi Præconibus ad imitandi exemplum ex Cathedra ipsa Veritatis propositus.

At magna funeris pompa, quæ defunctum Pontificem illustravit, fuerunt lacrymæ Pupillorum, & Viduarum supernam misericordiam Viro misericordii adprecantium, quæ multo melius, multoque disertius laudes ejusdem prædica-

(VIII.)

dicabant silentio, quam splendido, & eleganti verborum apparatu concipi potuerit ejus Orator Jacobus Pellizzari, cæteroquin doctissimus.

Decessit mænore bonorum omnium, magno apud omnes, & præcipue Feltrenses sui desiderio relicto, ætatis suæ anno 41. Episcopatus vero Mense XV. vix inchoato.

F I N I S.

1833

9

X VIII. X

dicabant silentio, quam splendido, & eleganti verborum apparatu conosci potuerit ejus Orator Jacobus Pellizzari, cæteroquin doctissimus.

Decessit mæore bonorum omnium, magno apud omnes, & præcipue Feltrenses sui desiderio relicto, ætatis suæ anno 41. Episcopatus vero Mense XV. viz inchoato.

F I N I S.

5333 107

9

372

X VIII. X

dicabant silentio, quam splendido, & eleganti verborum apparatu conitari potuerit ejus Orator Jacobus Pellizzari, cæteroquin doctissimus.

Decessit mærore bonorum omnium, magno apud omnes, & præcipue Feltrenses sui desiderio relicto, ætatis suæ anno 41. Episcopatus vero Mense XV. vix inchoato.

F I N I S.